

鳳臺縣志卷之十

列女^上

唐澤潞將張伾妻徐氏封高平郡夫人伾鎮泗州病卒軍吏欲立伾子重政爲郡將徐氏號泣固拒不從德宗詔褒之進封魯國夫人

後周李筠愛妾劉氏隨筠至澤時被攻城危劉謂筠曰城中健馬幾何筠曰爾安問此劉曰孤城危蹙破在俄頃今誠得馬數百與腹心潰圍出保昭義求援河東猶愈於坐以待死也筠然之召左右計馬尚不減千匹以是

鳳臺縣志

卷之十

列女

一

夕將出或沮之筠猶豫不決明日城陷筠將赴火劉欲俱死筠以其有娠麾令去筠子守節購得之果王子守節卒無後以劉所生之弟爲嗣宋參軍謝翱宋騎吹曲有李侍中妾歌

金劉璋妻樂氏年二十一歲夫亡遺孤長五歲次止十七日耳母家議合改適氏截髮誓守值貞祐己巳荒變中彌堅苦節歷五十餘年鄉人扁其堂曰歲寒

周氏澤州人安西張興祖妻年二十四興祖歿舅姑欲令改適周氏弗從曰妾家祖父皆蚤世妾祖母妾母並以

貞操聞妾或中道易節是忘故夫而辱先人也夫忘故夫不義辱先人不孝不孝不義妾不爲也遂嫠居三十年奉舅姑生事死葬無違禮其父與外祖皆無後葬祭之禮亦氏主之有司以聞並賜旌異

明邢清妻劉氏清病疴氏來歸異居侍病尙未合蚤清疾亟呼氏訣問以所從泣應曰脫不幸願從地下比卒遂縊而死宏治中旌表

孟誠妻高氏年二十五而寡生子泰七歲待食機杼撫孤自守泰娶王氏生子鑑泰亡鑑娶牛氏生三子彪錦欽

鳳臺縣志

卷之十

列女

二

鑑亦歿兩家父兄憐其貧均欲奪之王曰吾姑爲節婦矣牛曰吾姑祖姑爲節婦矣矢志堅貞後先如出一口皆年七十而終里有三節堂後孫春官侍郎曾孫陽行人以諫死咸爲名臣忠節萃於一門

范蒲妻梁氏適蒲甫匝月蒲暴卒氏年十八誓以死殉母令姑同氏寢氏伺姑晨起卽投繯自縊嘉靖間事聞於朝立祠以祀

李孟冬妻宋氏嫁一載而夫亡歸寧母受富室厚聘促改適氏恚不從母讓之以釜擲氏面歸白翁更衣闔戶引

亦斷頸尸僵立不卧遠近聞而悲之隆慶初立祠以祀
焦廷器妻韓氏年十七于歸甫三日夫暴亡韓涕泗悲哀
喪葬畢旋自縊死

兵部司務郭環妻張氏環卒於官子志學甫七歲志仁在
襁褓張攜孤扶襯以歸既葬躬紡織課二子力學相繼
登第人謂張貞潔之行既重於鄉閭義方之訓尤足以
昭來許也

李朝元妻毛氏事繼姑稱孝年二十二夫亡長子方保抱
攜持次子生祇數日乳哺教育母氏劬勞苦節六十餘

鳳臺縣志

卷之十

列女

三

載

生員侯秉醇妻郎氏夫亡痛絕復甦屢以死殉舅姑父母
陰謀奪其志氏聞勺水不入口三日死詔旌其門

舉人張翰妻焦氏翰卒誓必死初弗令人知夫殯殮既畢
入閣櫛沐整衣自經死太守嘉其節義嘆曰臣死忠女
死節張翰妻可謂女中丈夫矣

庠生劉孟津妻王氏年二十三夫亡遺孤方襁褓稍長教
讀書早歲遊庠守節六十年貧病艱難兩目遂盲於視
又有朱氏者劉孟濱妻亦苦節四十餘年而 當事以

雙節表其門

毛炳然妻王氏炳賈客十餘載感疾歸手足不仁終日坐
卧弗能語氏脫簪珥搆醫藥手滌中幫廁踰歷數年炳
終以病死氏號泣觸頭出血幾絕後藉紡績以教養孤
兒俊民有聲庠序事聞旌表

黨鳳妻張氏年二十二夫亡誓不更志紡織自贍教育孤
兒閨門整肅事聞旌表

輔國中尉朱充儻妻魏氏封宜人夫卒氏晝夜號哭死

韓表妻裴氏夫亡柏舟自矢閨門謹嚴足跡不越閫外詔

鳳臺縣志

卷之十

列女

四

旌其門

趙汝鳳妻魏氏年二十四夫亡撫孤騰躍早卒又撫孫
萬國艱苦備嘗壽八十四歲院守旌之後四十年趙日
映繼室苗氏年十九而寡無子孝事孀姑及姑卒躬自
營葬四棺痛感道路郡守爲旌其門

舉人孟思妻鍾氏二十歲撫子履約履約妻馮氏二十一
歲撫子士貞庠生士貞妻王氏二十六歲妾甯氏十七
歲偕撫子璋璋早卒撫三日孫淑一門四節鄉黨稱賢
貢生張煒妻李氏年十九夫亡撫子 廕入庠奉詔旌表

蔭與蠡縣令王采殉城難妾申氏撫孤入郡庠尋以未獲蔭骸骨痛悼卒

劉鳴鷺妻李氏崇正間流寇掠大陽氏携二女長成憲西妻次田饒妻一侍婢倉皇出走道遇污池謂二女曰我等女流將焉適不如入此全身遂偕二女侍婢竟投池死

李尙隆妻韓氏隆死未葬遽遭流賊肆橫民人逃匿山谷氏獨潛墻壁中守柩賊入室焚氏遂縊死於壁

關天蔭妻田氏偕妾楊氏年甫十九遺孤纔一歲教養成

鳳臺縣志

卷之十

列女

五

立爲名諸生後遭氛遇害

段列女父如錦崇正五年女年纔十四爲流寇所擄女奪賊佩刀自刎死

張重光妻馮氏年十六夫亡遺腹生子國相撫育成立守節四十餘載院道旌其門

張燮妻靳氏燮弱冠赴省試中塗水瀑漲墮水死訃至氏幾不欲生時方有娠或勸以生子可延夫祀後果生子培德教之讀書入庠忽以病卒復撫諸孫綸等成立鄉人仰靳氏之節爲旌其門

義官董思燾妻耿氏夫亡哀毀成疾伯氏思照撫愛遺孤
教養備至會照病氏感其德號天祈祐里鄰稱之伯亦
尋愈郡守爲旌表

段一宗妻李氏生子未踰年而夫亡氏乃屏膏沐勤織紉
訓孤自泰成立苦節五十年按院給匾賜粟嘉其節義
張一桂妻郭氏夫亡年二十二剪髮自誓育二子源泉成
立守節六十年院道屢加旌獎

庠生石文炳妻趙氏夫亡時年十九撫週歲孤延慶勤劬
鞠育常閉戶獨居宗黨以事相見趙闖門與語未嘗出

鳳臺縣志

卷之十

列女

六

庭戶其巖峻如此

馬負圖妻周氏負圖服賈卒於客舍姑衰老旦夕必藉人
扶護周親侍姑側遣其子奉匱歸里門終喪盡哀教子
成立孫之騃曾孫如龍亦早歲成名道守並加旌表
孝子趙友益妻安氏友益屢禱於神代父死囑安仰事俯
育友益死安辛勤三十年舅姑生養死葬皆盡禮教子
嗣昌嗣盛俱入庠有司旌其門

田鐸妻王氏年二十六而鐸歿誓不再醮晝夜紡績撫育
孤兒辛苦備嘗守節三十九載宏治間詔旌其門

侯侃妻康氏侃歿時氏年甫二十痛憤幾死撫孤垂四十年厥子成立不墜家聲正德間詔旌爲貞節之門

庠生李大隆妻郃氏夫亡京邸郃氏方二十五聞訃卽欲自盡所親力勸之曰爾獨不爲李氏孤兒計乎於是屏膏沐絕華麗足不踰閫教子讀書有成孀居三十五載嘉靖間以事聞奉詔旌表

生員李長盛妻裴氏尙書裴宇女恪執婦道夫亡裴方二十一歲守節四十餘年閨門嚴整鄉邦稱之院道給扁旌表

鳳臺縣志

卷之十

列女

七

生員郝訓妻王氏夫歿王方二十三歲家貧茹荼三十餘年始終不變院道旌表

任仲輔妻劉氏二十一歲仲輔客死撫幼子成立守節六十餘年按院表其門曰貞節之門

關守智妻連氏夫年少以病亡氏茹荼四十餘載訓子天俸補博士弟子員院道旌之

王納言妻任氏夫歿任年二十四所親勸其再醮任曰夫亡有遺孤在猶不亡也歷五十餘載不變其志院道屢旌其門

奉國將軍朱聰澇妻李氏奉國捐館子女前後各數人時
李年二十有七撫育辛勤絕無異視年七十餘以疾終
嗣子俊輓亦卓然孝友無忝母訓

朱充篋妻王氏年二十一夫亡遺孤方一歲含悲鞠育幾
四十載至晚歲曾孫滿前有司屢加旌表

鎮國中尉朱俊蒸妻李氏封恭人夫歿李年二十一哀毀
踰禮撫育稚子充鮮卓然自立苦節四十餘年有司優
獎

陳鳳麟妻苗氏夫亡立志守節值明末流離顛沛並得保

鳳臺縣志

卷之十 列女

全其姑以撫育其稚子艱苦備嘗守節三十四載以疾
終

劉炎妻宋氏經流寇被執義不受辱寇以火逼竟赴火死
生員王會極妻裴氏闖賊索金拘其翁氏脫簪珥出之尋
翁遭誣禍不測氏復蕩產白翁冤子化美入郡庠

署丞段廷黼妻魏氏段居讓妻龐氏王堯臣妻姚氏

俱無事跡

國朝岳尚武妻司氏年二十夫亡藉紡績以餬其口教子

峻極早歲成名巡按疏請建坊旌表

生員孔銓妻毛氏結褵五月銓卒氏慟絕投繯侍婢嚴衛之毛忽謂其婢曰若輩不須防我我尚有遺腹男女未可知姑俟他日始定耳治夫壙墓繩度尺寸計容兩棺臨月竟生女自是朝夕痛哭日進米汁一盞兩月而卒巡按疏請旌表

官廕生張中驥妻陳氏年二十二夫亡呼搶欲殉方抱娠姑以存祀諭及期果生子撫之成立廕官監不幸又早卒三喪未舉卜塋禮葬之族黨爲擇宗支乘輅爲嗣撫若親生考授州同知康熙四十一年建坊旌表

鳳臺縣志

卷之十

列女

九

張貞女貧民張崇女也幼字苗咨未婚咨卒女聞訃奔喪成服誓以身殉姑慰而止姑老且貧翁素就食於外女養姑以十指比姑歿終葬女七日不食死當事聞於朝雍正九年建坊旌表

郭世綸妻秦氏年及笄歸於郭甫一載而夫亡氏誓以死殉時夫之祖父已先亡遺兩世孀姑相抱而泣氏顧而慟曰是未可以死也遂孝養兩姑撫嗣子家故貧氏爲鬻簪珥勤紡紉以供朝夕環堵蕭然而處之晏如越數載嗣子泰交授室兩姑亦相繼去世氏曰大事已畢可

以於地下矣遂寢疾不食而死乾隆七年有
爲請旌

朝建坊設牌節孝祠一時文人重其節行作爲詩歌彙成
卷帙郡丞李之嶧序而傳之

岳門二烈岳遐昌妻任氏二十四夫亡無子上有邁姑氏
矢志堅貞竭力孝養繼子禪承夫宗祀娶妻馬氏克盡
婦道會姑以疾卒竭力營葬家無次丁禪以積勞感疾
而亡任氏姑息孀寡無依呼天搶地同心一繩而縊聞
者莫不慟心乾隆九年建坊旌表

鳳臺縣志

卷之十

列女

十

門二烈王守妻郭氏年二十二歲夫亡遺孤王默甫三
歲氏矢志苦守十八年撫默成人娶妻原氏就室方旬
默忽以劇疾卒三日殮畢郭氏原氏潛以深夜共誓投
繯乾隆十二年有司上其事於

朝建坊旌表

申懋修妻王氏年二十二夫亡哀毀絕粒誓不欲生咸勸
以事翁姑撫幼子大義遂勉強就食竭力奉二親未幾
翁姑相繼病故氏盡典釵環衣飾喪葬以禮爲子娶妻
生孫愛養曲盡守

三年建坊旌表

錢烈女金姐僻居鄉村性莊謹守正自持有惡少田永吉
出言調戲女羞忿乘夜投崖身死以明志乾隆二十年
有司上其事於

朝以節烈可嘉建坊旌表

劉廷棟妻徐氏農家婦秉性貞潔鄰人高秀水欲以調戲
圖姦氏羞忿投縵捐軀明志乾隆二十二年以節烈可
嘉建坊旌表

馬繼武妻宋氏青年歸繼武武以疾歿氏悲泣不食自縊
柩傍乾隆二十七年奉

鳳臺縣志

卷之十

列女

十一

旨旌表祀入節孝祠

史秉直妻任氏年二十而夫亡生子甫週歲時翁姑已早
逝依秉直伯父母同居氏卽以翁姑奉之定省宵以禮
若不知其爲夫之伯父母也以長以教俾子宗仁入庠
守節四十年乾隆三十八年奉

旨給匾嘉獎

馬自發妻周氏貧家女秉性貞潔不爲強暴所污馬二圪
澇圖姦不從被斫身死乾隆三十八年以節烈可嘉建
坊旌表

趙二鉄妻林氏剛烈有至性鄰人林東雄以穢言戲謔氏羞忿捐軀乾隆四十年以節烈可嘉建坊旌表

成乃峻妻成氏年二十七歲而夫亡無子親治殮具向請姒求繼嗣以立夫後從容入室投縵自盡乾隆四十一年建坊旌表

張門四節張駱繼妻石氏年二十一而夫亡殮畢卽投縵欲自盡鄰婦力救而甦時上有孀姑前妻遺四子皆幼穉咸勸以奉姑撫子爲重氏遂竭力孝其姑愛養諸子家故貧盡典其簪珥衣服爲生活計不繼則以女紅纏

絨線笄日易十數錢以供粥米越數載撫四子成立授室皆名家女以儉朴相率著爲家法守節五十四年駱長子仝仁妻孔氏年二十七而夫亡遺子旋殤嗣一姪數年復歿貧苦自守奉孀姑朝夕不離嘗爲女工夜無燈火炷香以照紡績會姑病氏亦患目疾力供湯藥尋皆愈其諸姪偶有微疾輒親爲調護曰猶子卽吾子也

守節四十二年駱三子仝禮妻陳氏二十四歲而夫亡子生甫五日誓欲死殉急持利刃自刺血流滿襟姑急奪刃苦勸以撫子衍祀氏泣曰守節非盛事吾不幸遭

之命也但求此子成立留夫一脉吾心已盡及子稍長嘗指刃迹瘡痕示之曰吾若死於此爾不知死所矣後以家貧不能供姑甘旨使子經營於外所得辛金按時收檢以養其姑守節三十八年駱四子全智妻陳氏年二十七而夫歿遺孤幼姑在堂夫病時嘗囑之曰吾有老母不能養有幼子不能教今將死目不能瞑氏曰汝善自養病老母幼子在吾一人未幾夫歿喪葬悉如禮時氏父遠官寧晉召使就食官署氏辭以亡夫遺言老母無人奉養求爲助濟以養姑生平教子尤嚴子體剛

鳳臺縣志

卷之十

列女

十二

讀書未成卽命其鄉村館穀謂讀書在此奉養祖母亦在此已守節三十八年乾隆四十二年有司以一門四節請旌於

朝建坊設牌節孝祠

李養德妻畢氏養德貧苦以種菜爲生養德卒氏焚香告

天縊死柩前

舉人張應嵩繼妻焦氏年二十二應嵩卒於客邸氏每欲以死殉家人防衛甚嚴得少留葬畢不食死

張廣土女幼許字徐弼世未嫁而弼世歿女請往弔母不

許改聘范姓子及羔雁至女始知痛哭欲死母曰我老矣兒若此我請先女重違親意默不語及屆婚期衆眷納女輿中女陰以帶纏其項痰吼徹於外從人驚覺救以甦昇至范門女止不進疾聲謂范父曰我徐家婦何強逼爲也我所以隱忍至此者畏老母嚴命耳遂去吉服衷素縞衣上下縫紝不可解是時聚觀者百千人范不得已退婚卽送還其母至弼世忌曰女向夫墳哭奠拜見公姑執婦道甚謹追服夫喪居年餘以哀悴卒趙良富妻苗氏良富貧以賣炭爲業傷力死氏誓不獨生

鳳臺縣志

卷之十

列女

十四

母謹防之至殮日謂母曰彼將就木我當往視之久不返比往瞰已自縊溝中樹上矣

朱明紘妻王氏傳載藝文

賀進安妻劉氏傳附藝文

張子修妻段氏二十二歲夫亡乘隙縊於柩側紳士誅而祭之

王廷弼妻李氏傳附藝文

關鞏沂妻張氏夫死中州聞訃卽欲自盡家人勸止之

沂柩歸里遠迎荒郊是日卽自縊死

關文通妻吳氏年十七歸於關夫經商於外孝事孀姑夫
客死訃至取佩刀刺喉死前令表其門曰節烈可風
鞏茂倫妻董氏年二十三夫亡無子女視夫殮後卽行自
縊前令以心照皎日表其閭
庠生丁振武妻董氏妾陸氏振武病亡妾以身殉董撫孤
守志年六十而卒守節三十六年
黃健純妻張氏夫死他鄉聞訃卽欲以死殉家人防之嚴
及夫櫬歸爲夫無子立姪承祧後卽經死學使鄒謂其
仁至義盡立匾旌之

鳳臺縣志

卷之十

列女

十五

農民趙君輔妻陳氏旣受聘母聞君輔有疾心甚悔氏白
母以從一之義母頷之後歸君輔未彌月勸夫就醫外
室躬任操作不以孀姑煩夫慮夫病劇與之訣氏欲先
死以明已意夫慰止及夫亡泣血毀容水漿不入口母
家有來弔者婦皆作永訣語辭別乘間投繯死縣令旌
其門

李朝彥妻郃氏年十九歸於李甫兩月朝彥以家貧親老
貿易於外越三載客死河南氏聞訃昏絕欲死姑泣勸
之曰爾死吾亦死遂忍死奉姑二人相依爲命徐謀承

嗣求之數十年不可得後姑死氏竭力喪葬亦自縊時
乾隆二十二年六月也

安貞女事載藝文

王福田妻張氏事載藝文

楊培澍妻崔氏年二十七而夫亡無子惟遺二女嗣姪爲
後女長適人爲嗣子娶婦婉順適氏意氏愛之未幾次
女先逝子婦亦亡撫週歲孫三順鞠育成立復以癆死
氏痛不欲生乘間自縊守節三十七年前令沈榮昌以
霜筠勵節表其門

鳳臺縣志

卷之十

列女

十六

裴文奎女名鳳姐幼許字秦百川子模爲室未嫁而模死
鳳姐聞而自縊前令繆其吉表其閭曰以烈全倫

董士傑妻郭氏年十七于歸士傑因家貧親老貿易於外
父母飲食多借氏力乾隆四十三年士傑客死於亳氏
聞訃慟不欲生於是夜入室自縊里人爲釀金迎其夫
柩合窆之令爲勒碑墓傍

張學魯女名隆姐父母俱歿依祖母郭與伯母姚同居從
弟建玉時尚幼乾隆十八年五月夏郭與姚率玉往田
刈麥女呼鄰家一幼女伴針黹重門自外扃里中惡夕

范關保劉君虎偵知女家無人排闥入院女驚避內室以几案拄門惡少不能入併力攻其西牕女恐毀窓被污窘迫甚欲自投東窓逸出其窓以繩繫下臨深澗二丈許急嚙斷其繩連窓躍下負重傷死而復甦鄰人奔救祖母亦自田間來白於縣縣官給醫藥療其傷繫二人於獄月餘女憤自經縣令沈榮昌親爲視殮表墓薛效杜妻史氏年二十八夫客死於外遺孤甫三歲氏聞訃痛不欲生翁姑泣諭曰汝若死此呱呱者誰養之耶氏遂立志撫孤鞠育備至未幾子復天殤氏痛心已極

鳳臺縣志

卷之十

列女

十七

入夜自縊前縣繆其吉旌之

李天性妻牛氏年二十二夫亡上無翁姑子甫三歲誓欲以死殉夫因念幼子無依撫之成人可以衍夫宗祧已而子復病亡痛心泣血自縊而死前縣以霜白鵲紅表其門

王存義妻李氏祖姑申姑宋兩世撫孤守志皆以節稱氏年十九歸存義二十一而夫亡遺孤鳳鳴方在襁褓氏含慟乳育及稍能飲食隱泣曰有子可衍夫嗣有兩姑可托以撫養吾當見亡夫於地下矣乘夜自縊死鄉人

以三世節烈表之

段椿妻苗氏幼端莊貞靜自持年十九而歸椿椿糊口他鄉家故貧氏憑十指以爲活計越數年椿死客邸氏聞之誓以死殉迎椿柩歸里遂自縊柩旁

王風淳妻宋氏年十七于歸風淳貿易他鄉數年無音耗氏以紡績爲生一日夫身抱病歸氏日侍湯藥求醫問卜卒不起氏仰天泣血侯含殮畢卽闔戶自縊時氏二十四歲

張性元妻陳氏年十七于歸越三年而夫亡家貧子幼氏

鳳臺縣志

卷之十

列女

十八

竭力撫養備嘗艱苦至十六歲忽以疾殤氏痛哭曰吾辛勤十餘年爲張氏一綫血脉也今子死夫絕吾又何生乎遂水漿不入於口入夜自經死前縣沈榮昌以茹荼完志匾其門

張聞喜妻薛氏年二十一歸於張越年餘聞喜隨人貿易天津以時疫亡氏聞訃欲以死殉家人日夜防範乃勉強進米粥苟延日月迨夫櫬歸里氏曰吾事畢矣遂自縊柩前

王廷選妻蔡氏青年歸廷選逾歲生一女選素有嘔逆

一發輒數日不止日夜侍湯藥及選病故而將遣嫁氏誓以死殉水漿不入口或勸之曰選止此一女子歸有期既已喪父忍使其失母乎自是飲食漸進越月粗備粧奩爲女結褵畢卽投繯自縊

鴻臚序班范和羹婢侯氏幼有至性舉止言笑循常度羹異之將納爲妾已有成言事未果而羹忽痰疾暴亡氏哭曰吾將相從於地下家人頗聞其語而不之信及含殮氏周視其衣衾手足畢含笑而出急尋之則已於樓上自縊

鳳臺縣志

卷之十

列女

十九

烈女張氏農民國光女也幼恂謹寡言笑學爲紡織操作如成人許字同邑栗會公子新安時女年十七新安以疾亡父母知女有至性諱其事女微聞之遂飲泣不食欲以死殉母婉諭之曰汝未嫁猶未成婦改字他姓不爲失節女泣曰一絲定終身生不能爲栗家人死願爲栗家鬼母見其志不可奪防之彌嚴出入與居飲食必與偕凡鐮刀繩剪之類皆移置他所女忽強作色笑操作如平時伺防護稍疎乘間自經死此乾隆三十年十月日事也

范世榮妻李氏年十七歸范范客河南氏代夫持家政孝養翁姑勤於操作鄰里稱賢越數年夫病死旅邸氏聞訃卽入戶自縊時年二十六歲無所出族人哀其志公議立子承嗣

張天錫妻史氏年二十二夫亡呼天號泣水漿不入口誓以死殉家人防之乘間自縊柩側前守朱樟賜額節烈流香前令羅著藻立碑記其事

牛光妻孔氏青年歸於牛牛素有弱疾經年卧床褥氏躬奉湯藥日夜不離纏綿數載而亡氏乘間入戶自縊死

鳳臺縣志

卷之十

列女

二十

前郡守廬其門曰以身殉烈

牛元輅妻張氏傳附藝文

楊爾中妻郭氏年二十八夫亡苦志撫子洪成立娶妻連氏生孫後洪客死湖廣連聞訃誓以身殉鄰嫗或慰之曰姑老子幼勿爲死計連曰兒已九歲可以奉姑姑方六旬尙可養兒吾必於地下事吾夫也未幾夫柩歸潛入戶自縊於側郭乃撫養孤孫家貧不能自給日以紡績爲生備嘗艱苦俾孫成人至七十五歲卒守節四十七年

王紹肅妻苗氏年二十六夫亡遺子女各一立志撫養越
二載子女相繼殤誓以死殉或諭慰之曰吾之所以欲
死者爲亡夫無後也如爲吾夫立嗣吾不死矣衆因繼
其胞姪爲後氏闔戶自縊而死

孔得貴妻焦氏年二十苦節自矢教子文明成進士道守
旌表

張元孕妻王氏年二十一夫亡無子室中惟孀姑曰相依
倚後姑欲改適氏痛哭留之不從氏承夫志猶餽姑衣
食姑歿乃已

鳳臺縣志

卷之十

列女

二二

叅政張光奎繼室李氏年二十四夫亡撫子茂琨茂琨妻
李氏年二十七撫子廷鏞廷鏞妻尙氏偕妾劉氏年二
十撫子淮讀書入郡庠三世守節者四人撫孤成立卒
成令器

時世英妻崔氏年十九夫亡奉養祖姑居數月遺孤復夭
喪氏賣衣飾營葬四棺後年老至七十餘家益貧終口
團泥丸曰賣數錢以自給里人哀之

史揚芳妻蘇氏子女俱無年八十餘奉養一百八歲之老
翁家貧曰往親串中必得少許洒肉佐翁食飲凡寢興

寤寐氏扶掖不少離翁年踰上壽八十餘老媳無女無兒日必酒肉以奉孝思殊可感也

李化國妻原氏年十九夫亡遺孤彙征甫九月孤寡無依幾至不能餬口教子彙征已入泮復早亡再撫孫以綿似續甘心窮餓百折不回年九十三卒

裴述臯妻李氏臯死寇氏撫二孤待其成長無何亦相繼歿歿氏孑然獨守形影悲涼乃銷冠髻典質衣裙爲夫葺家廟并修其墓年七十四以疾終

張國治妻趙氏治父承基爲賊所絜治倉皇救護被殺氏

鳳臺縣志

卷之十

列女

一三一

上事翁姑下撫稚子拮据以承天志年八十七而卒

生員張奇珍繼妻王氏年二十歸於張夫亡子幼姑盲於目氏能曲盡孝養常藉織紉以佐甘旨兵火頻仍能訓子學入庠孫曾亦善讀書以食餼列明經

裴秉燹妻王氏燹遭寇遇害室毀巢傾氏婉轉拮据保節全孤七十餘歲逢燹忌辰猶痛哭不自勝也

大理寺張光前妻朱氏年二十一天亡無子無女嗣子亦復夭喪苦節終身年八十五卒

趙吉妻秦氏弱歲夫亡長子甫五齡幼子未週三歲氏喪

姑甚謹二子牽衣相將顧復曰勞瘁已而姑欲奪其志
懼違姑命無由白已意乃托言採桑竟縊死夫墓側
生員張肇興妻宋氏夫亡撫孤子象瑗入泮年老康強猶
代子婦總理家政撫育諸孫

廩生張姿超妻袁氏夫爲族人所構不得於母無以自明
自經死氏年甫十九矢志堅貞家人屢挫辱之逆來順
受卒完其節守志四十年前督使旌以匾曰苦節可

生員張姿迥妻宋氏州同知宋鴻之女孫迥少有雋才鴻
招爲女孫壻結褵二載迥亡氏誓以身殉翁姑嚴防之

鳳臺縣志

卷之十

列女

一三三

求死不得乃矢志自守以全節終與超妻稱雙節云

田光耀妻王氏年二十四撫五歲孤俾之成立守節四十
餘年

生員田種金妻王氏撫懷抱孤有成娣姒相依諧和一室
事親教子各盡其道

生員李楷妾李氏年二十九夫與嫡室偕亡氏撫孤先登
朝夕誨調至於成立先登起家縣令終郡倅俱以廉潔
稱亦足徵義方之訓矣

知縣丁其恭妻李氏恭以病卒於官遺孤尙幼氏挈子扶

板歸里門事八旬舅姑生養死葬無失禮撫孤子韶教
養兼備食餼於庠

生員段萬鐘妻任氏萬鍾歿氏年十八幾不欲生姑諭之
曰爾方有娠且待生男女後以決存亡何如乃強起飲
食果生子克勤讀書領鄉薦

張茂晟妻宋氏年二十六而寡遺孤方九歲辛勤鞠育既
娶婦生子復早亡再育孤孫以存宗祀稍長入郡庠

尹芳妻司氏夫亡年十九家故貧每飯常不飽時時揮淚
見姑嫜則強爲色笑弗使老人有憂色撫二歲遺孤艱

鳳臺縣志

卷之十

列女

一四

辛萬狀卒克有成

李興隆妻秦氏年二十夫病亡既而翁姑相繼謝世子女
及嗣子旋復淪喪氏哭夫哭子哭舅姑終其身無虛日
屢營喪葬血淚爲枯年七十餘顛連愈甚聞見者莫不
酸楚

進士翟于盤妻郭氏盤領鄉薦卒於塗時氏年二十四無
子操井曰孝養翁姑立姪爲子撫之成立

王順德妻趙氏年二十一夫亡遺子方週歲翁姑年老氏
曲盡其道俯仰無慚先是其父欲奪而嫁之氏堅不從

卒成其志

生員何振繼室申氏夫歿時年十九二子俱在襁褓八旬老翁久困床第氏移居村舍親視耕桑以謀衣食奉舅食飲無缺失凡舅所需中冓厠牖皆親爲浣滌教子亦克有成道守累加旌表

韓瑒妻侯氏年十九生子甫三日夫亡舅姑年已耄耄奉老存孤皆無倚藉氏終日養蜂賣履爲旦晚之需俯仰藉以不匱

生員張彥妻孫氏二十五歲夫亡教子追騏已食餼早歿

鳳臺縣志

卷之十

列女

一五

媳李氏生孫亦夭喪姑媳相依計無所出乃立姪承祀教之讀書亦早歲入泮婦姑兩世水操閨門肅穆四十餘年如一日

監生張加侯妻孔氏夫亡年十九無子事孀姑朝夕定省不怠越二十五載叔生幼子始嗣之乳哺撫育曲盡劬勞守節四十五載

廩生鍾世芳繼妻朱氏年十九喪夫事孀姑甚謹撫前氏子教養如已出世芳兄與弟相繼淪亡氏代撫孤姪並鞠養襁褓姪孫顧復淪於常

翟子珣妻王氏夫亡年二十三無子又無舅姑伯叔相依
倚室中惟稚女一人門庭衰冷迨女適人孤苦尤甚氏
正靜自好足不踰閭守節四十餘年

監生崔鐸妻李氏年二十三子女俱無惟老姑在堂朝夕
奉事氏念夫不已終日號哭卒至喪明死

宋黼皇妾徐氏年二十夫亡日與嫡室相依無何嫡室又
卒乃繼姪爲嗣澹薄勤儉以終其身

廩生李捷妻王氏年二十五而寡家徒四壁敬事老翁遺
孤二未離襁褓菽水乳哺之資悉取給於十指子茲彥

鳳臺縣志

卷之十

列女

一六

列明經萃亨中副榜

趙昭妻韓氏年二十五夫亡初欲以死殉姑諭以存孤大
義勉從命家故貧氏勤織紡以供俯仰姑歿喪葬皆如
禮訓子貞元入貢大廷諸子孫皆有才名

張二典妻原氏夫亡年二十五時老姑在堂厥子呱呱未
離襁褓氏耕桑力作以孝養其姑教育其子姑既歿拮
据營辦諸大事無缺失後嗣皆賢能有家法卒年七十
有八

王廷相妻李氏年二十二廷相歿氏事舅姑盡禮撫遺孤

二皆有成未幾相弟廷佐卒無子氏命次子徃繼之俾
不泯其宗祀守節六十年卒年八十二

王國明妾張氏年十九夫與嫡室一時並歿身無所出惟
嫡子一人始五歲姑老家貧衣食殊苦乃日勤紡績以
供旨甘教子名卿早年入泮中道子復亡教育二孫艱
辛愈甚厥後長孫進德遊庠次孫承德以明經任祁縣
訓導卒年九十三

監生趙廷對繼妻馬氏二十一歲生女甫三月夫亡唯前
氏遺子三氏撫育備至皆有成方夫之歿也氏哭之甚

鳳臺縣志

卷之十

列女

二七

哀欲自縊家人救止之乃已學使嵇聞其守義特加旌
表

史綸章妻蔡氏夫亡年十九遺子從性始一歲家苦食貧
氏竭蹶女紅以養其子後爲子娶婦子復亡媳呂氏時
年二十有三無所出姑媳孀居苦節五十餘載年七十
而終媳呂氏守節三十九載卒年六十有二

祁在中妻晉氏夫亡時年二十六遺孤贊皇始一歲遭家
奇窮無以爲殮氏脫簪珥營辦之依棲母家教養遺孤
至於成立年七十餘以疾終贊皇性純謹事母以孝聞

生員王式斌母張氏守節四十餘年克事翁姑孝養 至
教子力學成名

生員張統妻賴氏少年夫亡無子女撫養嗣子大蘊成立
年九十六以病終

監生陳朝宣妻張氏夫亡遺孤溥甫三歲茹荼撫育俾得
讀書入泮歷徧艱辛內外稱之

趙祚昌妻申氏家甚貧遺子俱幼勤苦教養俱各成立享
壽八十五歲苦節五十七載

副榜王十臣妻郭氏自甘澹薄孝事孀姑苦節六十年壽

鳳臺縣志

卷之十

列女

二八

八十有六

祁縣訓導王承德繼妻楊氏撫育前氏子不啻己出苦節
冰霜五十三載年七十八而卒

武生郭鎮遠母張氏夫死守節三十二年事姑訓子各盡
其道

申彥妻蔡氏合巹五月夫亡屢次投繯翁姑力勸之始止
苦節自貞堪爲女範

生員李維新妻崔氏夫亡年甫十九遺子植方一歲氏劬
勞顧復少長嚴課讀書俾之成立守節六十餘載年八

十三而卒

王式舜妻韓氏年十九夫亡事姑十餘載殷勤周至姑歿哀毀成疾而卒

王嗣隆妻崔氏合巹未及二載夫亡年甫十九氏方娠後生子教養備至堅持貞節鄉里稱賢

任門二節任世業妻李氏夫亡遺子未週歲家貧困苦度日撫孤一十八載娶婦生孫未及三歲子又病亡養老育孤艱辛萬狀舅姑歿喪葬循禮守節五十八載姪孫婦李氏任永安妻亦守節撫孤一門二節真堪媲美

鳳臺縣志

卷之十

列女

一九

王公田妻馬氏夫亡無子事八旬舅姑撫伶仃三女勤儉持家養生送死胥盡道苦節五十餘年享壽七十有七
王仲友妻王氏夫死日號泣欲自盡防之未遂憂鬱成疾期月吐血死

賈竒英妻趙氏守節四十四年事姑盡孝教子成名

賈斌妻武氏夫亡貧甚勤紡績以事翁姑訓子成立年七

十一歲苦節而終

秦時泰妻朱氏年二十七夫亡長子方四歲次子尚在襁褓家貧紡績度日撫予有成守節三十五載

柴子實妻張氏夫死他鄉遺二子俱幼俯仰無資饗殮
給於十指舅姑賴以終養子稍長卽命往迎夫柩歸葬
成禮戚黨皆稱其賢

關中妻陳氏夫亡遺子二俱幼祖姑八旬餘老病不能飲
食氏日以乳乳之疾遂愈衣食無資艱辛以供俯仰哭
夫哀慘兩目喪明憂勞成疾而卒

周贊堯妻宋氏夫死家貧奉姑嫜撫孤子守貞自誓歷久
彌堅年七十而卒

陳君輔妻王氏夫死中州聞信毀顏改粧閉戶自經死慷

鳳臺縣志

卷之十

列女

三十

慨赴義節烈可風

郟繼統妻郭氏夫亡年甫二十九郭躬自紡績勤操作以
孝養舅姑撫二子俱有成前太守許謂其苦節足以維
風爲旌表之時年七十餘守節已四十載

董英傑妻高氏夫亡勤紡績以佐饗殮衰老祖舅弱歲孤
兒俯仰各遂其欲苦節四十二載以疾終

王祖乙妻李氏年十七于歸未踰年夫遠遊杳無音耗母
令改適氏持刀截髮誓無他志生遺腹子撫養旣成立
命出外徧訪父屍不得李日望空遙拜以終其身卒年

八十六苦節六十餘載

生員趙嘉祿妻馬氏夫死飲蘖茹荼撫孤孫備嘗艱苦守節四十餘年卒

生員苗進元妻徐氏年二十五夫亡矢志撫孤艱苦備嘗爲子娶妻生孫子復殤復養其孫成人守節六十一年次孫裔綬妻曲氏夫亡時年二十九歲茹荼自守苦節四十一年曾孫允芮妻李氏年二十餘夫亡亦以哀悴而死時稱苗門三節

庠生田均妻王氏夫亡無子立從子以承夫祀敬事翁姑

鳳臺縣志

卷之十

列女

三二

曰勤紡績苦節三十五載

薛九州妻岳氏弱歲喪夫事舅姑以孝聞撫遺孤俾之成立閭黨賢之

國學生楊琨樹妻李氏栢舟自矢痛夫乏嗣以姪爲子嗣養未幾復夭喪氏痛心疾首憂憤而終

楊衣綠妻趙氏偕伉儷僅三載夫歿閉戶幽居堅貞守節王建中妻申氏于歸三載夫亡孝事高堂撫孤成立孀居六十餘載年八十餘卒州守屢加旌表

李際國妻段氏年十八夫亡養八旬老姑撫五月稚子苦

節三十六載

張灝妻趙氏庠生張廷僚母孝養姑舅教子成立苦節四十年州牧給匾優獎

張懋修妾史氏性和順自夫君喪後訓子開先成立嫡武氏遇側室亦賢而有禮以是庭無詬誶和敬相將並壽登耄耋而卒

王廷輔妻柴氏夫死家貧日晝佃田力作夜則勤縫紉撫孤成立初夫之喪其母欲奪而嫁之誓不從苦節四十餘年而卒

鳳臺縣志

卷之十

列女

三三一

生員史瑞麟妻郎氏一門三世兩寡六孤家故貧氏孝養孀姑撫諸子皆成立享壽九十而終

宋門二節宋喬妻董氏夫亡遺子玕甫三歲勤勞撫育娶婦董氏生孫纔數月玕復亡姑媳二人苦守孤孫成立俱享永年州守陶自悅嘉其三世節孝以匾旌之

張賜官妻李氏夫亡撫孤成立矢志靡他

張啟蒙妻王氏茹荼三十五年撫孤光台成立事上御下曲盡其道學政文翔鳳爲誌其墓

翟蘭芳繼妻王氏年十九歸芳及芳歿撫前妻子瑄如已

出往就外傳凡書紙筆墨氏以女紅佐之瑄後食餼膠
庠皆稟母訓守節四十餘載七十一而卒

王楚妻梁氏年十七歸楚閱二載楚賈客他鄉中途病死
氏聞初欲自盡繼以旅櫬未歸爲憾遂鬻簪珥求人徧
訪終不獲朝夕哭淚盡繼以血尋痛夫乏嗣族弱又無
繼其後者含悲數月抑鬱以死

生員梁戊生繼妻張氏歸戊甫一歲戊以病亡氏斷髮自
矢未七日卽投繯自盡縣尹聞而旌之

廣西賀縣典史劉廷瓚妻王氏夫亡孝事翁姑教二子德

鳳臺縣志

卷之十

列女

三三三

成名立州守陶給廩優獎

趙熙妻張氏夫亡氏年十七無子張事翁姑曲盡其禮復
以兄子流謙爲嗣時流謙方一歲撫育成立名列膠庠
苦節四十四載而卒

國學生王純仁妻郝氏仁亡氏欲以死殉姑防閑甚密乃
止遺子女二人亦未暇顧復惟日夜哀號慘怛聞見者
莫不心碎踰九月竟痛死子肇勲有聲鬻序

秦廣壽妻姚氏年十七于歸未二載夫亡遺子一尙幼氏
兢兢顧復事舅姑甚孝後不幸子復亡又撫二孫教其

成立守節五十八年州牧佟給扁旌表

劉門三節劉登甲妻牛氏夫亡撫四歲孤兒子死又撫孤孫成立守節五十年壽八十劉掄甲繼妻王氏夫亡撫遺腹子有成不幸子亡又撫其孫守節四十載劉淳妻宋氏撫孤成立守節四十載

生員田丙光妻陳氏夫亡氏年二十五遺子二長甫九歲次二歲時家難紛紜陳堅持大節善撫其孤二子俱成立苦節三十餘年長子增瓊任雲南馬龍州吏目

生員張淮妻關氏夫亡氏年二十九上事高堂下撫穉子

鳳臺縣志

卷之十

列女

三四

苦節三十載

鍾瑯基母丁氏夫亡瑯始生三月氏抱孤而泣凡寢興飲食必時時顧復之卒能成立守節四十餘年邑令給匾優獎

舉人李撰妾馮氏增生李葆光度母初夫歿時馮年二十欲以死殉戚黨勸止之既而母欲奪其志馮堅不從時葆光少小無依馮力持門戶撙節財用俾葆光銳志力學爲名諸生苦節四十年卒

監生李齡妻司氏二十四歲而夫亡子承業方五齡時舅

姑早沒堂上惟八旬祖姑氏早夜承歡視膳無缺承業力學入庠苦節三十八載卒年六十有二

庠增生王潤妻趙氏年二十三夫亡育子維本食貧讀畜後變計業醫活人甚衆世稱母訓居多云守節五十七年卒

宋門二節國學生宋軾妻張氏宋懿妻申氏俱無子女寂處閨闔中潔清自守名播鄉閭

王琬妻郭氏夫亡遺孤尙幼郭自甘澹薄撫子能睿讀書列名貢士州守屢旌其門

鳳臺縣志

卷之十

列女

三五

王仁妻崔氏鴻臚寺主簿王振羽母夫亡家苦食貧氏甘守清操訓孤成立苦節三十八載

張悅修妻溫氏夫亡遺孤方六歲日教以讀書進取兒獲成立苦節四十五載壽七十餘卒

張軫妻溫氏夫歿時姑衰子幼氏獨立承家俯仰俱無愧色嘗云世人以死殉其夫吾獨以不死報吾夫耳

秦門四節秦敏妻黃氏夫亡撫孤守節四十七年秦熙和妻王氏結褵未久不幸夫亡苦節食貧義方教子秦熙緝妻聶氏秦熙載妻趙氏各守冰操娣姒間從無忤色

實閨中之模範

郭毓禮繼妻張氏夫亡年甫十九無子慟哭悲號願以殉宗族立其姪以嗣之氏苦節訓養歷四十年而歿田存信妻梁氏年十八歲適梁甫三月夫亡慟哭幾死賴舅姑勸慰因而自全後舅姑相繼而亡氏孑然一身艱苦備嘗惟以紡績度日苦節三十七年

王培正繼妻張氏夫亡長子五歲次子生未踰月氏號泣幾至殞命尋以藐孤未成立勉留餘生以教養厥子如是者三十六年子王哲王毅俱克有成鄉里奉爲儀表

鳳臺縣志

卷之十

列女

三六

佾禮生王式符妻王氏夫亡家甚貧孀姑在堂二子尚幼氏勤儉持家仰事俯育教長子敏遊庠早逝次子亦亡再撫兩孫成立長孫欽典已爲諸生人以爲苦節之報生員張追驥繼妻李氏結褵未及一載夫病亡李年甫十七無子乃立姪仝誠爲嗣仝誠方六歲鞠育訓誨名列膠庠苦節四十餘載

生員孔毓濬妻聶氏年十六于歸甫三載夫寢疾氏願以身代卽赴井中幾死家人援之得免及夫卒又欲引刀自刎姑慰之乃止後立姪傳植承夫嗣愛如己出教之

入成均苦節四十餘載

王王氏山東鹽法道王廷掄側室夫歿氏年二十四水漿不入口誓以死殉時生子甫三月宗族諭以輕生棄子非義乃撫子苦守教育成人三十餘年以子鏗貴受封如例

鳳臺縣志卷之十終

鳳臺縣志

卷之十

列女

三七